

周禮鄭注

冊七

周禮卷三十四

漢大司農北海鄭玄註

明後學東吳葛鼎訂

秋官司寇第五

惟王建國。辨方正位。體國經野。設官分職。以爲民極。乃立秋官司寇。使帥其屬而掌邦禁。以佐王刑邦國。

禁所以防姦者也。刑正人之法。孝經說曰。刑者備也。過出罪施。

刑官之屬。大司寇一人。小司寇。中大夫二人。士師

下大夫四人。鄉士。上士八人。中士十有六人。旅下士

三十有二人。

士察也。主察獄訟之事者。鄭司農說以論語曰柳下惠爲士師。鄉士主六鄉之獄。

府六人。史十有二人。胥十有二人。徒百有二十人。

遂士中士十有二人。府六人。史十有二人。胥十有二

人。徒百有二十人。

遂士主六遂之獄者。

縣士中士三十有二人。府八人。史十有六人。胥十有

六人。徒百有六十人。

距王城三百里至四百里。曰縣。縣士主縣之獄者。

方士中士十有六人。府八人。史十有六人。胥十有六

人。徒百有六十人。

方士主四方
都家之獄者

詆士中士八人。府四人。史八人。胥八人。徒八十人。

詆迎也。士官之迎四方賓客。詆五嫁反。

朝士中士六人。府三人。史六人。胥六人。徒六十人。

朝直遙反。卷內同。

司民中士六人。府三人。史六人。胥三人。徒三十人。

司民主
民數

司刑中士二人。府一人。史二人。胥二人。徒二十人。

司刺下士二人。府一人。史二人。徒四人。

刺殺也。三訊罪定則殺之。

司約下士二人。府一人。史二人。徒四人。

約言語之約束

司盟下士二人。府一人。史二人。徒四人。

盟以約辭告神。殺牲敵血。明著其信也。曲禮曰。涖牲曰盟。

職金上士二人。下士四人。府二人。史四人。胥八人。徒

八十人。

職主也

司厲下士二人。史一人。徒十有二人。

犯政為惡曰厲。厲士主盜賊之兵器及其奴者。

圻人下士二人。府一人。史二人。賈四人。徒十六人。

又○賈音嫁
又音古

司圜中士六人。下士十有二人。府三人。史六人。胥十有六人。徒百有六十人。

鄭司農云。圜謂圜土也。圜土謂獄城也。今獄城曰圜。司圜職中言凡圜土之刑人也。以此知圜謂圜土也。又大司寇職曰。以圜土聚教罷民。故司圜職曰。掌收教罷民。○罷音皮。

掌囚下士十有二人。府六人。史十有二人。徒百有二十人。

囚。拘也。主拘繫當刑殺之者。

掌戮下士二人。史一人。徒十有二人。

戮。猶辱也。既斬殺又辱之。

周

禮 卷三十四

司寇刑官之屬

三 中華書局聚

司隸中士二人。下士十有二人。府五人。史十人。胥二

十人。徒二百人。

隸給勞辱之役。後稍尊之。使主官府及近郡。道溝渠之役。

罪隸百有二十人。

盜賊之家為奴者。

蠻隸百有二十人。

征南夷所獲。

閩隸百有二十人。

閩南蠻之別。

夷隸百有二十人。

征東夷
所獲

絡隸百有二十人。

征東北夷所獲凡隸衆矣此其選以爲役員其餘謂之隸民○絡音陌

布憲中士二人下士四人府二人史四人胥四人徒四十人。

憲表也主表刑禁者

禁殺戮下士二人史一人徒十有二人。

禁殺戮者禁民不得相殺戮

禁暴氏下士六人史三人胥六人徒六十人。

野廬氏下士六人胥十有二人徒百有二十人。

廬賓客行道所舍

蜡氏 下士四人 徒四十人

蜡 骨肉腐臭 蠅蟲所蜡也 月令曰 掩骼埋醜 此官之職也 蜡讀如狙 司之狙 幣

雍氏 下士二人 徒八人

雍 謂隄坊 止水者也

萍氏 下士二人 徒八人

鄭司農云 萍讀為蜉 或為萍 號起雨之萍 玄謂今天問 萍號作萍 爾雅曰 萍 萍其大者 蘋 讀如小子

言平之平 萍氏主水禁 萍之草 無根而浮 取名於其不沉溺 〇 蜉 蒲丁反

司寤氏 下士二人 徒八人

寤 覺也 主夜覺者 〇 覺 音教

司烜氏下士六人徒十有六人

烜火也讀如衛侯燬之燬故書燬為垣鄭
司農云當為烜○烜音毀注燬同垣音袁

條狼氏下士六人胥六人徒六十人

杜子春云條當為滌器之滌玄謂滌
除也狼狼屨道上○條音滌注同

修閭氏下士二人史一人徒十有二人

閭謂
里門

冥氏下士二人徒八人

鄭司農云冥讀為冥氏春秋之冥玄
謂冥方之冥以繩縻取禽獸之名

庶氏下士一人徒四人

庶讀如藥煑之煑驅除毒蠱之言
書不作蠱者字從聲○庶音煑

穴氏 下士一人 徒四人

穴搏蟄獸所藏者

翼氏 下士二人 徒八人

翼鳥翻也鄭司農云翼讀為翅翼之翅○翼音翅

柞氏 下士八人 徒二十人

柞除木之名除木者必先刊剝之鄭司農云柞讀為音聲喯喯之喯屋笮之笮○柞側百反注喯笮

皆同

薙氏 下士二人 徒二十人

書薙或作夷鄭司農云掌殺草故春秋傳曰如農夫之務去草芟夷蘊崇之又今俗間謂麥下為夷

下言芟夷其麥以其下種禾豆也玄謂薙讀如鬣小兒頭之鬣書或作夷此皆翦草也字從類耳月

令曰燒雜行水謂燒所芟草乃水之。○雜或作雉同。它計反。去起呂反。芟所銜反。繫它計反。

誓族氏 下士一人 徒二人

鄭司農云誓讀為擿族讀為爵族之族謂巢也。玄謂誓古字從石折聲。○誓音摘。

翦氏 下士一人 徒二人

翦斷滅之言也。主除蠱蠹者。詩云實始翦商。

赤友氏 下士一人 徒二人

赤友猶言抹拔也。主除虫豸自埋者。○抹采昔反。

蠃氏 下士一人 徒二人

鄭司農云蠃讀為蟻蟻屬書或為掌去。蟻蟻屬書或為掌去。蟻蟻屬書或為掌去。蟻蟻屬書或為掌去。

蠃古今御所食蛙也。字從虫國聲也。蟻乃短狐與。○蠃古獲反。蟻音或。蟻音遐。蟻音麻。蟻戶蠃反。蟻莫。

辛反蛙
戶蝸反

壺 涿氏 下士一人 徒二人

壺謂瓦鼓。涿擊之也。故書涿為獨。鄭司農云。獨讀為濁。濁其源之濁。音與涿相近。書亦或為濁。

庭氏 下士一人 徒二人

庭氏主射妖鳥。令國中潔。清如庭者也。射食亦反。

銜枚氏 下士二人 徒八人

銜枚止言語。囂謹也。枚狀如著。橫又胡。麥反之。纒結於項。囂五高反。纒戶卦反。

伊耆氏 下士一人 徒二人

伊耆古王者號始為蜡以息老物。此主王者之齒杖。後王識伊耆氏之舊德。而以名官。與今姓有伊

耆者蜡氏詐反。巨之

大行人中大夫二人。小行人下大夫四人。司儀上士

八人。中士十有六人。行夫下士三十有二人。府四人。

史八人。胥八人。徒八十人。士四人。一入史二人。熟

行夫主國使之禮。使所吏反之。

環人中士四人。史四人。胥四人。徒四十人。

環猶圍也。主圍賓客。任器為之守衛。

象胥每翟上士一人。中士二人。下士八人。徒二十人。

通夷狄之言者曰象。胥其有才知者也。此類之本名。東方曰寄。南方曰象。西方曰狄。鞮北方曰譯。今

總名曰象者。周之德先致南方也。○知音。智。嬰。丁。兮。反。譯音亦。

掌客上士二人。下士四人。府一人。史二人。胥二人。徒

二十人。

掌訝中士八人。府二人。史四人。胥四人。徒四十人。

訝迎也。賓客來主迎之。鄭司農云。訝讀為跛者。訝跛者之訝。○跛波可反。

掌交中士八人。府二人。史四人。徒三十有二人。

主交通結諸侯之好。

掌察四方中士八人。史四人。徒十有六人。

掌貨賄下士十有六人。史四人。徒三十有二人。

朝大夫每國上士二人。下士四人。府一人。史二人。庶

子八人。徒二十人。

此王之士也。使主都家之國治而命之朝大夫云。

大夫四人。同。士士

都則中士一人。下士二人。府一人。史二人。庶子四人。徒八十人。

都則主都家之八則者也。當言每都如朝大夫及都司馬云。

都士中士二人。下士四人。府二人。史四人。胥四人。徒四十人。家士亦如之。

都家之士。主治都家吏民之獄。訟以告方士者。也。亦當言每都。

大司寇之職。掌建邦之三典。以佐王刑邦國。詰四方。

典法也。詰謹也。書曰。王耄荒度。作詳刑以詰四方。○度待洛反。

一曰刑新國用輕典。

新國者。新辟地立君之國。用輕法者。為其民未習於數。○為于僞反。

二曰刑平國用中典。

平國承平守戎之國也。用中典者常行之法。

三曰刑亂國用重典。

亂國篡弑叛逆之國。用重典者以其化惡伐滅之。

以五刑糾萬民。

刑亦法也。糾猶察異之。

一曰野刑上功糾力。

功農功。力勤力。

二曰軍刑上命糾守。

命將命也。守不失部伍。○守音狩。將子匠反。

三曰鄉刑。上德糾孝。

德六德也。善父母為孝。

四曰官刑。上能糾職。

職能其事也。職職事修理也。

五曰國刑。上愿糾暴。

愿愿慎也。暴當為恭字之誤也。

以圜土聚教罷民。

圜土獄城也。聚罷民其中。困苦以教之為善也。民不愍作勞。有似於罷。○罷音皮。愍音敏。

凡害人者。寘之圜土而施職事焉。以明刑恥之。

害人謂為邪惡。已有過失。麗於法者。以其無故犯法寘之。圜土繫教之。庶其困悔而能改也。寘置也。

施職事以所能役使之。明刑書其罪惡於大方版。著其背。○著丁略反。其罪

其能改者。反于中國。不齒三年。

反于中國。謂舍之還於故鄉里也。司圜職曰。上罪三年而舍。中罪二年而舍。下罪一年而舍。不齒者。

不得以年次列於平民。

其不能改。而出園土者。殺。

出謂逃亡。

以兩造禁民訟。入東矢於朝。然後聽之。

訟謂以財貨相告者。造至也。使訟者兩至。既兩至。使入東矢。乃治之也。不至不入東矢。則是自服不

直者也。必入矢者。取其直也。詩曰。其直如矢。古者一弓百矢。東矢。其百箇與。○浩七報反。

以兩劑禁民獄。入鈞金三日。乃致于朝。然後聽之。

獄。謂相告以罪名者。劑。今券書也。使獄者各齎券書。既兩券書。使入鈞。金。又三券書也。乃治之。重刑也。不

券書不入金。則是亦自服不直者也。必入金者。取其堅也。三十斤曰鈞。○劑。子隨反。

以嘉石平罷民。

嘉石。文石也。樹之外朝門左。平成也。成之使善。

凡萬民之有罪過而未麗於灋而害於州里者。桎梏而坐諸嘉石。役諸司空。重罪旬有三日坐。暮役。其次九日坐。九月役。其次七日坐。七月役。其次五日坐。五月役。其次下罪三日坐。三月役。使州里任之。則宥而舍之。

有罪過謂邪惡之人所罪過者也。麗附也。未附於灋未著於灋也。木在足曰桎。在手曰梏。役諸司空。

坐日訖。使給百工之役也。役月訖。使其州里之人任之。乃赦之。宥寬也。○著直略反。

以肺石達窮民。

肺石赤石也。窮民天民之窮而無告者。

凡遠近惇獨老幼之欲有復於上。而其長弗達者。立於肺石。三日。士聽其辭。以告於上。而罪其長。

無兄弟曰惇。無子孫曰獨。復猶報也。上謂王與六卿也。報之者若上書詣公府言事矣。長謂諸侯。若

鄉遂大夫。上時掌反。營反。

正月之吉。始和布刑于邦國都鄙。乃縣刑象之。灋于

象魏。使萬民觀刑象。挾日而斂之。

正月朔日布五刑於天下。正歲又縣其書重之。○縣音玄。

凡邦之大盟約。涖其盟書。而登之于天府。

奉涖臨也。天府祖廟之藏。○藏才浪反。

大史內史司會及六官。皆受其貳而藏之。

六官六卿之官也。貳副也。

凡諸侯之獄訟。以邦典定之。

邦典六典也。以六典待邦國之治。

凡卿大夫之獄訟。以邦灋斷之。

邦灋八灋也。以八灋待官府之治。○斷丁亂反。

凡庶民之獄訟。以邦成弊之。

邦成八成也。以官成待萬民之治。故書弊為愆。鄭司農云。愆當為弊。邦成謂若今時決事比也。弊之。

斷其獄訟也。故春秋傳曰：弊獄邢侯。○弊必世反。

大祭祀奉犬牲

進奉猶也。

若禋祀五帝則戒之日。涖誓百官戒于百族。

戒之日。王卜立於澤。親聽誓命。受教諫之義也。獻命。

庫門之內。戒百官也。太廟之內。戒百姓也。

及納亨。前王祭之日亦如之。

納亨。致牲。亨。普。庚反。

奉其明水火。

明水火所取。於日月者。

凡朝覲會同前王大喪亦如之。

大喪所前或嗣王

大軍旅涖戮于社。

社謂社主在軍者也鄭司農說以書曰用命賞于祖不用命戮于社

凡邦之大事使其屬蹕。

屬士師以下也故書蹕作避杜子春云避當為辟謂辟除姦人也玄謂蹕止行也○蹕本亦作趨音畢

周禮卷三十四

聖朝五帝則成之日禮誓百官戒于百族

國朝諸事大皇帝文臨親直許承心聖本衣井慈音
皇之親親王王生海壽親若親族天子君去親當親於

其朕於大率其數舉

及納寧編錄經野靜亦親於親于海

大軍效效幾于岳

奉按親奉

其陳慶會同備王大與亦成之

周禮卷三十五

漢大司農北海鄭玄註

明後學東吳金蟠訂

司寇刑官之職

小司寇之職掌外朝之政以致萬民而詢焉。一曰詢

國危。二曰詢國遷。三曰詢立君。

外朝。朝在雉門之外者也。國危。謂有兵寇之難。國遷。謂徙都改邑也。立君。謂無冢適。選於庶也。鄭司

農云。致萬民聚萬民也。詢。謀也。詩曰。詢于芻蕘。書曰。謀及庶人。○難。乃且反。適。丁歷反。

其位。王南鄉。三公及州長。百姓北面。羣臣西面。羣吏

東面。

羣臣。卿大夫在公後。羣吏。府吏也。其孤不見者。孤從

反遍

小司寇擯以敘進而問焉。以衆輔志而弊謀。

擯謂揖之使前也。敘更也。輔志者尊王賢明也。○更音庚

以五刑聽萬民之獄訟。附于刑。用情訊之。至于旬。乃

弊之。讀書則用灋。

附猶著也。故書附作付。訊言也。用情理言之。冀有可以出之者。十日乃斷之。王制曰。刑者。例也。例者

成也。一成而不可變。故君子盡心焉。鄭司農云。讀書則用灋。如今時讀鞫已。乃論之。○鞫九六反。讀

凡命夫命婦。不躬坐獄訟。

為治獄吏。喪服傳曰。命夫者。其男子之為大夫者。若子弟也。喪服傳曰。命夫者。其男子之為大夫者。

命婦者其婦人之為大夫之妻者春秋傳曰衛侯與元咺訟甯武子為輔鉞嚴子為坐士榮為大理

○為治于偽反咺况阮反鉞其廉反嚴左傳作莊案漢書明帝名莊改為嚴

凡王之同族有罪不即市

鄭司農云刑諸甸師氏禮記曰刑于隱者不與國人慮兄弟

以五聲聽獄訟求民情

一曰辭聽

觀其出言不直則煩

二曰色聽

觀其顏色不直則赧然○赧女板反則

三曰氣聽

周

禮卷三十五

司寇刑官之職

二一中華書局聚

觀其氣息不直則喘○喘昌充反則

四曰耳聽。

不觀其聽聆不直則惑。

五曰目聽。

觀其眸子視不直則耗然○耗莫報反則

以八辟麗邦灋附刑罰。

辟灋也。杜子春讀麗為羅。玄謂麗附也。易曰。日月麗乎天。故書麗為羅。玄謂麗附也。易

一曰議親之辟。

鄭司農云。若今時宗室有罪。先請是也。

二曰議故之辟。

故謂舊知也。鄭司農云：故舊不遺，則民不偷。

三曰議賢之辟。

鄭司農云：若今時廉吏有罪，先請是也。玄謂賢有德行者。○行下孟反。

四曰議能之辟。

能謂有道藝者。春秋傳曰：夫謀而鮮過，惠訓不倦者，叔向有焉。社稷之固也。猶將十世宥之，以勸能

乎者。今壹不免其身，以棄社稷，不亦惑乎。○夫音扶，鮮息淺反。向許亮反。

五曰議功之辟。

謂有大勳勞立功者。

六曰議貴之辟。

鄭司農云：若今時吏墨綬有罪，先請是也。

周

禮 卷三十五

司寇刑官之職

三一中華書局聚

七曰議勤之辟。

謂憔悴以事國

八曰議賓之辟。

謂所不臣者三恪二代之後與

以三刺斷庶民獄訟之中。

中謂罪正所定。○斷下亂反後同。

一曰訊羣臣。二曰訊羣吏。三曰訊萬民。

刺殺也。三訊罪定。則弑之。訊言也。

聽民之所刺宥。以施上服下服之刑。

宥寬也。民言殺殺之。言寬寬之上服。刺墨也。下服宮刑也。○剡魚器反。則音月。

及大比登民數自生齒以上登于天府。

大比三年大數民之衆寡也人生齒而體備男八月而生齒女七月而生齒○比毗志反上時掌反

內史司會冢宰貳之以制國用。

人數定而九賦可知國用乃可制耳

小祭祀奉犬牲。

進奉猶也

凡禋祀五帝實鑊水納亨亦如之。

納亨致牲也其奉鑊水當以洗解牲體肉○鑊戶郭反

大賓客前王而辟。

鄭司農云小司寇為王道辟除姦人也若今時執金吾下至令尉奉引矣○辟婢亦反後而辟皆放

此道音導

后世子之喪亦如之。

小師泣戮。

小師王不自出之師。

凡國之大事使其屬蹕。

屬士師以下。

孟冬祀司民。獻民數於王。王拜受之。以圖國用而進退之。

司民星名。謂軒轅角也。小司寇於祀司民而獻民數於王。重民也。進退猶損益也。國用民衆則益。民

寡則損。

歲終則令羣士計獄弊訟登中于天府。

上其所斷獄訟之數

正歲帥其屬而觀刑象令以木鐸曰不用灋者國有

常刑令羣士

羣士遂士以下

乃宣布于四方憲刑禁

宣徧也憲表也謂縣之也刑禁士師之五禁

乃命其屬入會乃致事

得其屬之計乃令致之於王會古外反後要會皆故此

士師之職掌國之五禁之灋以左右刑罰一曰宮禁

二曰官禁。三曰國禁。四曰野禁。五曰軍禁。皆以木鐸徇之于朝。書而懸于門閭。

左右助也。助刑罰者。助其禁民為非也。宮王府也。國城中也。古之禁書亡矣。今宮門有簿。

籍官府有無故擅入城門有離載下帷野有田律。軍有躡謹夜行之禁。其恠可言者。○縣音玄。恠音

粗

以五戒先後刑罰。毋使罪麗于民。一曰誓。用之于軍旅。二曰誥。用之于會同。三曰禁。用諸田役。四曰糾。用諸國中。五曰憲。用諸都鄙。

先後猶左右也。誓誥於書則甘誓湯誓大誥康誥之屬。禁則軍禮曰無干車無自後射。此其類也。糾

○憲未有聞焉。射食亦反。

掌鄉合州黨族閭比之聯。與其民人之什伍。使之相安相受。以比追胥之事。以施刑罰慶賞。

鄉合。鄉所合也。追。追寇也。胥。讀如宿。僭之僭。僭。謂司搏盜賊也。○比。毗志反。比。追如字。

掌官中之政令。

大司寇之官府中也。

察獄訟之辭。以詔司寇。斷獄弊訟。致邦令。

詔。司寇若令者。以灋報之。灋。解也。

掌士之八成。

鄭司農云。八成者。行事有八篇。若今時決事比。○比。必利反。

一曰邦汭。

周

禮

卷三十五

司寇刑官之職

六 中華書局聚

鄭司農云。為讀如時。刺探尚書事。○國灼者。斟反。刺盜

取國家密事。若今時刺探尚書事。○國灼者。斟反。刺盜

二曰邦賊。

為逆亂者。

三曰邦諜。

為異國反間。○

四曰犯邦令。

干冒王教令者。○冒音墨。

五曰橋邦令。

稱詐以有為者。○橋音矯。

六曰爲邦盜。

竊取國之寶藏者。○藏才浪反。

七曰爲邦朋。

朋黨相阿。使政不平者。故書朋作備。鄭司農云。朋讀如朋友之朋。○備補鄧反。

八曰爲邦誣。

誣罔君臣。使事失實。

若邦凶荒。則以荒辯之。灋治之。

鄭司農云。辯讀爲風。別之別。救荒之政。十有二。而士師別受其教條。是爲荒別之灋。玄謂辯當爲貶。

聲之誤也。遭飢荒。則刑罰國事。有所貶損。作權時灋也。朝士職曰。若邦凶荒。札喪寇戎之故。則令邦

國都家縣鄙慮刑貶。○風別之別。皆彼列反。

令移民通財糾守緩刑。

移民就賤救困也。通財補不足也。糾守衛盜賊也。緩刑紓民心也。

凡以財獄訟者正之以傅別約劑。

傅別中別手書也。約劑各所持券也。故書別為辨。鄭司農云傅或為付辨讀為風別之別。若今時市

買為券書以別之各得其一。訟則案券以正之。

若祭勝國之社稷則為之尸。

以刑官為尸略之也。周謂亡殷之社為亳社。

王燕出入則前驅而辟。

道王且辟行人。道音導。

祀五帝則沃尸及王盥洎鑊水。

禁汁○謂增其沃

凡刳珥則奉犬牲。

珥讀為珥。刳音機。珥而志反。注珥同。包。

諸侯為賓則帥其屬而蹕于王宮。

谷謂諸侯來朝若燕饗時。

大喪亦如之。

大帥帥其屬而禁逆軍旅者與犯師禁者而戮之。

○逆軍旅反將命也。犯師禁干行陳也。將子匠反行戶剛反陳直忍反。

歲終則令正要會。

定計

正歲帥其屬而憲禁令于國及郊野。

去國百里為郊。郊外謂之野。

鄉士掌國中。

鄭司農云。謂國中至百里郊也。玄謂其地則距王城百里內也。言掌國中。此主國中獄也。六鄉之獄。

大在國中。

各掌其鄉之民數而糾戒之。

鄉士八人。言各者。四鄉人而分主三鄉。

聽其獄訟。察其辭。

凡也。察審。

辯其獄訟。異其死刑之罪而要之。旬而職聽于朝。

辯異謂殊其文書也。要之為其罪法之要辭。如今
劫矣。十日乃以職事治之。於外朝容其自反覆。○

代劫反戶

司寇聽之。斷其獄。弊其訟于朝。羣士司刑皆在各麗

其灋以議獄訟。

麗附也。各附致其法以成議也。

獄訟成。士師受中。協日刑殺。肆之三日。

受中謂受獄訟之成也。鄭司農云。士師受中。若今
二千石受其獄也。中者刑罰之中也。故論語曰。刑

罰不中。則民無所措手足。協日刑殺。協合也。和也。
和合支幹善日。若今時望後利日也。肆之三日。故

春秋傳曰。三日棄疾。請尸論語曰。肆諸市朝。玄謂
士師既受獄訟之成。鄉士則擇可刑殺之日。至其

時而往。泣之。尸之三日。乃反也。
○汁日音協。本亦作協。下同。

若欲免之。則王會其期。

免猶赦也。期謂鄉士職聽于朝。司寇聽之日。王欲赦之。則用此時親往議之。

大祭祀。大喪紀。大軍旅。大賓客。則各掌其鄉之禁令。

帥其屬夾道而蹕。

屬中士以下。夾古洽反。劉古協反。

三公若有邦事。則為之前驅而辟。其喪亦如之。

鄭司農云。鄉士為三公道也。若今時三公出城郡督郵盜賊道也。為于偽反。遂士縣士。訝士。職同。

凡國有大事。則戮其犯命者。

遂士掌四郊。

鄭司農云。謂百里外至三百里也。玄謂其地則距王城百里以外。至二百里。言掌四郊者。此主四郊。

獄也。大遂之
獄在四郊。

各掌其遂之民數。而糾其戒令。

遂士十二人。言各者
二人而分主一遂。

聽其獄訟。察其辭。辨其獄訟。異其死刑之罪。而要之。
二旬而職聽于朝。司寇聽之。斷其獄。弊其訟于朝。羣
士司刑皆在。各麗其灋。以議獄訟。獄訟成。士師受中。
協日就郊。而刑殺。各於其遂。肆之三日。

就郊而刑殺者。遂士也。遂士擇刑殺日。至其時往
刑之。如鄉士為之矣。言各於其遂者。四郊六遂。遂

處不
同。

若欲免之。則王令三公會其期。

令猶命也。王欲赦之，則用遂士職聽之時。命三公往議之。

若邦有大事，聚眾庶，則各掌其遂之禁令，帥其屬而蹕。

大事，王所親也。

六卿若有邦事，則為之前驅而辟，其喪亦如之。凡郊有大事，則戮其犯命者。

縣士掌野。

鄭司農云：掌三百里至四百里，大夫所食。晉韓須為公族，大夫食縣，玄謂地距王城二百里以外。至

三百里，至五百里，三百里曰都，縣野之四百里曰縣，四百里以外，至五百里曰都，縣野之地，其邑非王子弟

公，卿大夫之采地，則皆公邑也。謂之縣，縣士掌其獄焉。掌言野者，郊外曰野，大總言之也。獄，居近野

之縣獄在二百里上。縣之獄在四百里上。

各掌其縣之民數。糾其戒令而聽其獄訟。察其辭。辨其獄訟。異其死刑之罪而要之。三旬而職聽于朝。司寇聽之。斷其獄。弊其訟于朝。羣士司刑。皆在各麗其灋。以議獄訟。獄訟成。士師受中。協日刑殺。各就其縣。肆之三日。

刑殺各就其縣者亦謂縣士也。

若欲免之。則王命六卿會其期。

期亦謂縣士職聽之時。

若邦有大役。聚衆庶。則各掌其縣之禁令。若大夫有

邦事則爲之前驅而辟其喪亦如之。凡野有大事則戮其犯命者。

野距王城二百里以外及縣都

方士掌都家

鄭司農云掌四百里至五百里公所食魯季氏食於都玄謂都王子弟及公卿之采地家大夫之采

地大都在疆地小都在縣地家邑在稍地不言掌其民數民不純屬王○疆居良反

聽其獄訟之辭辨其死刑之罪而要之。三月而上獄

訟于國。

三月乃上要者又變朝言國以其自有君異之○上時掌反

司寇聽其成于朝羣士司刑皆在各麗其灋以議獄

訟。

成平也。鄭司農說以春秋傳曰晉邢侯與雍子爭鄗田久而無成。鄗許六反。

獄訟成。士師受中。書其刑殺之成。與其聽獄訟者。

都家之吏自協日刑殺但書其成與治獄之吏姓名備反覆有失實者。

凡都家之大事聚眾庶則各掌其方之禁令。

方士十六人言各掌其方者四人而主一方也。其方以王之事動眾則為班禁令焉。

以時脩其縣灋。若歲終則省之。而誅賞焉。

縣灋縣師之職也。其職掌邦國都鄙稍甸郊野之地域而辨其夫家人民田萊之數及其六畜車輦

之稽方士以四時修此灋歲終又省之則與掌民數亦相近。

凡都家之士所上治則主之。

都家之士都士家士也。所上治者謂獄訟之
小事不附罪者也。主之告於司寇聽平之。

訝士掌四方之獄訟。

鄭司農云四方諸侯之獄訟。

諭罪刑于邦國。

告曉以麗罪及制刑之本意。

凡四方之有治於士者造焉。

謂讞疑辨事先來詰乃通之於士也。士主謂士師也。如今郡國亦時遣主者吏詰廷尉議者。○造七

報反讞魚竭反

四方有亂獄則往而成之。

亂獄謂若君臣宣淫上下相虐者也。往而成之猶呂步舒使治淮南獄也。

邦有賓客。則與行人送逆之。入於國。則爲之前驅。而辟野。亦如之。居館。則帥其屬而爲之蹕。誅戮暴客者。客出入。則道之。有治。則贊之。

送逆。謂始來及去也。出入。謂朝覲於王時也。春秋傳曰。晉侯受策以出。出入。三朝。入國入野。自以春時事。

凡邦之大事。聚衆庶。則讀其誓禁。

〔朝士〕掌建邦外朝之灋。左九棘。孤卿大夫位焉。羣士在其後。右九棘。公侯伯子男位焉。羣吏在其後。面三槐。三公位焉。州長衆庶在其後。左嘉石。平罷民焉。右肺石。達窮民焉。

也樹棘之為位者。取其赤心而外刺。象以赤心三刺。史也。州長鄉遂之官。鄭司農云。王有五門。外曰。路門。路門。二曰。雉門。三曰。庫門。四曰。應門。五曰。路門。外曰。皋

門。二曰。雉門。三曰。庫門。四曰。應門。五曰。路門。外曰。皋

右九棘。故易曰。係用徽纆。寘于叢棘。玄謂明堂位

用說。魯公宮曰。庫門。天子皋門。雉門。天子應門。言魯

應門者。如天子應門。此名制二兼四。則魯無皋門。

是言其除喪而反。由外來。是庫門在雉門外。必矣。如

同。闔人幾出入者。窮民蓋不得入也。郊特牲。譏繹

矣。外朝在庫門之外。皋門之內。與今司徒府有天子則

朝。以下大會殿。亦古之外朝。我周天子諸侯皆有。三

寘朝。于之。長丁。丈反。罷音皮。纏。七北反。見賢。遍反。

帥其屬而以鞭呼趨且辟。

趨朝辟行人。執鞭以威之。

禁慢朝。錯立族談者。

慢朝謂臨朝不肅敬也。錯立族談。違其位。傳語也。○傳徐子損反。

凡得獲貨賄。人民六畜者。委于朝。告于士。旬而舉之。

大者公之。小者庶民私之。

俘而取之曰獲。委於朝十日待來識之者。人民謂刑人奴隸逃亡者。司隸職曰帥其民而搏盜賊。鄭

司農云。若今時得遺物及放失六畜。持詣鄉亭縣廷。大者公之。大物沒入公家也。小者私之。小物自

界也。玄謂人民之小者。未歲以下。○俘音孚。歲初謹反。

凡士之治。有期日。國中一旬。郊二旬。野三旬。都三月。

邦國朞期內之治聽。期外不聽。

鄭司農云。謂在期內者聽。期外者不聽。若今時徒論決滿三月不得乞鞫。○期居其反鞫九六反。

凡有責者。有判書以治則聽。

判。半分而合者。故書判為辨。鄭司農云。謂若今時辭訟有券書者。為治之辨。讀為別。謂別券也。玄謂

大古者出責之息。亦如其國反與。○為治于偽。反別彼列反。

凡民同貨財者。令以國灋行之。犯令者刑罰之。

鄭司農云。同貨財者。謂合錢共買者也。以國灋行之。司市為節。以遣之。玄謂同貨財者。富人蓄積者

禁多。時收斂之。乏時以國服之。灋出之。雖有騰躍其贏不得過此。以利出者與取者過此。則罰之。若今

時加責取息坐臧。

凡屬責者。以其地傳而聽其辭。

鄭司農云謂訟地畔界者田地町畔相比屬故謂之屬責以地傳而聽其辭以其比町畔為證也玄謂屬責轉責使人歸之而本主死亡歸後之數相抵冒者也以其地之人相比近能為證者來乃受其辭為治反○王命

凡盜賊軍鄉邑及家人殺之無罪干天祿內史同會

鄭司農云謂盜賊羣輩若軍共攻盜鄉邑及家人者殺之無罪若今時無故入入室宅廬舍上人車

船牽引入欲犯法者其時格殺之無罪○上時掌反

凡報仇讎者書於士殺之無罪女黃登不其孤主

謂同國不相辟者將殺之必先言之於士○辟音避

若邦凶荒札喪寇戎之故則令邦國都家縣鄙慮刑

貶

周

故書慮為憲。貶為窆。杜子春云。窆當為禁。憲謂幡書以明之。玄謂慮謀也。貶猶減也。謂當圖謀緩刑。

且減國用。謂民困也。所貶視時。為多少之灋。○窆波驗反。

司民掌登萬民之數。自生齒以上。皆書於版。辨其國

中。與其都鄙。及其郊野。異其男女。歲登下其死生。

登上也。男八月。女七月。而生齒。版。今戶籍也。下猶去也。每歲更著生去死。○去起呂反。著丁略反。

及三年大比。以萬民之數。詔司寇。司寇及孟冬祀司

民之日。獻其數于王。王拜受之。登于天府。內史司會

冢宰貳之。以贊王治。

鄭司農云。文昌宮三能屬軒轅角。相與為體。近文昌為司命。次司中。次司祿。次司民。玄謂司民。軒轅

角也。天府主祖廟之藏者。贊佐也。三官以貳佐王治者。當以民多少黜陟主民之吏。○能吐才反。

周禮卷三十六

漢大司農北海鄭玄註

周禮卷三十五

明後學東吳萬壽訂

司寇刑官之職

甸刑掌五刑之灋以誅萬民之罪屬罪五百則罪五

百官罪五百則罪五百人罪五百

刑以誅之屬罪五百則罪五百人罪五百

刑以誅之屬罪五百則罪五百人罪五百

刑以誅之屬罪五百則罪五百人罪五百

刑以誅之屬罪五百則罪五百人罪五百

周

禮

卷三十五

司寇刑官之職

六

中華書局聚

周禮卷三十六

漢大司農北海鄭玄註

明後學東吳葛鼎訂

司寇刑官之職

司刑掌五刑之灋以麗萬民之罪墨罪五百劓罪五百宮罪五百剕罪五百殺罪五百

墨黥也先刻其面以墨室之劓截其鼻也今東西夷或以墨劓為俗古刑人亡逃者之世類與宮者

丈夫則割其勢女子閉於宮中若今宦男女也剕斷足也周改臏作剕殺死刑也書傳曰決關梁踰

城郭而略盜者其刑臏男女不以義交者其刑宮觸易君命革輿服制度姦軌盜攘傷人者其刑劓

非事而事之出入不以道義而誦不詳之辭者其刑墨降畔寇賊劫略奪攘橋虔者其刑死此二千

五百罪之目略也。其刑書則亡。夏刑大辟二百。贖

辟三百。宮辟五百。劓墨各千。周刑變焉。所謂刑罰

世輕世重者也。鄭司農云。漢孝文帝十三年。除肉

刑。劓。劓。魚。器。反。室。本。又。作。涅。同。乃。結。反。斷。丁。管。反。

降。戶。江。反。橋。居。兆。反。

若司寇斷獄弊訟。則以五刑之灋詔刑罰。而以辨罪

之輕重。五百。罪。五百。罪。五百。罪。五百。罪。五百。罪。

司刺掌三刺三宥三赦之灋。以贊司寇聽獄訟。

刺。殺也。訊。而。有。罪。則。殺。之。宥。寬也。赦。舍也。

壹刺曰。訊羣臣。再刺曰。訊羣吏。三刺曰。訊萬民。

壹宥曰不識。再宥曰過失。三宥曰遺忘。

鄭司農云。不識謂愚民無所識。則宥之。過失若今律。過失殺人。不坐死。玄謂識審也。不審若今仇讎

凡當報甲見乙。誠以為甲而殺之者。過失若舉刃欲斫伐而軼中人者。遺忘若間帷薄。忘有在焉。而以

兵矢投射之間。忘音妄。中丁仲反。間廁之間。射亦食反。

壹赦曰幼弱。再赦曰老旄。三赦曰蠢愚。

蠢愚。生而癡騃。童昏者。鄭司農云。幼弱。老旄。若今律。令年未滿八歲。八十以上。非手殺人。他皆不坐。

○耄。本又作旄。蠢。勅。江反。駮。五駮反。上時掌反。

以此三灋者。求民情。斷民中。而施上服。下服之罪。然

後刑殺。

上服。殺與墨。劓。下服。宮。劓也。司約職曰。其不信者。服墨刑。凡行刑。必先規識所刑之處。乃後行之。

司約掌邦國及萬民之約。劑治神之約。為上。治民之約。次之。治地之約。次之。治功之約。次之。治器之約。次之。治摯之約。次之。

此六約者諸侯以下至於民皆有焉。劑謂券書也。治者理其相抵冒上下之差也。神約謂命祀郊社

羣望及所祖宗也。夔子不祀祝融九姓在晉。殷民六謂征稅遷移仇讎既和若懷宗九姓在晉。殷民六

比也。功約謂王功國功之屬。賞爵所及也。器約謂

禮樂吉凶車服所得用也。摯約謂玉帛禽鳥相與往來也。○約於妙反。毗謂玉帛禽

凡大約劑書於宗彝。小約劑書於丹圖。

大約劑。邦國約也。書於宗廟之六彝。欲神監焉。小約劑。萬民約也。丹圖未聞。或有彤器。簠簋之屬。有

圖象者與。春秋傳曰。斐豹隸也。著於丹書。今俗語有鐵券丹書。豈此舊典之遺言。

若有訟者。則珥而辟藏。其不信者服墨刑。

鄭司農云。謂有爭訟罪罰刑書。謬誤不正者。為之開藏。取本刑書以正之。當開時先祭之。玄謂訟。訟

如約若宋仲幾薛宰者也。辟藏。開府視約書。不信。不

偽反為于

若大亂。則六官辟藏。其不信者殺。

大亂。謂僭約若吳楚之君。晉文公請隧以葬者。六官辟藏。明罪大也。六官初受盟約之貳。

司盟掌盟載之灋。

載盟辭也。盟者。書其辭於策。殺牲取血。坎其牲。加書於上。而埋之。謂之載書。春秋傳曰。宋寺人惠牆

伊戾坎用牲。加書。為世子。伊戾與楚客盟。○伊戾才。戈反。

凡邦國有疑會同。則掌其盟約之載。及其禮儀。北面

詔明神既盟則貳之。

有疑不協也。明神神之明察者。謂日月山川也。觀禮加方明于壇上。所以依之也。詔之者。讀其載書以告之也。貳之者。寫副當以授六官。

盟萬民之犯命者。詛其不信者。亦如之。

盟詛者。欲相與共惡之也。犯命。犯君教令也。不信。違約者也。春秋傳曰。臧紇。犯門斬關以出。乃盟。臧氏。又曰。鄭伯使卒出。殺行出。犬雞。以詛射。射者。○詛。側慮反。惡鳥路反。紇。恨發反。行。戶剛反。射。反。食亦。

凡民之有約劑者。其貳在司盟。

貳之者。檢其自相違約。

有訟獄者。則使之盟詛。

不信則不敢聽此
盟詛所以省獄訟

凡盟詛各以其地域之衆庶共其牲而致焉既盟則

爲司盟共祈酒脯

使其邑閭出牲而來盟既又使出酒脯司盟
爲之祈明神使不信者必凶○爲于僞反

職金掌凡金玉錫石丹青之戒令

青空
青也

受其入征者辨其物之燬惡與其數量揭而璽之入
其金錫于爲兵器之府入其玉石丹青于守藏之府

爲兵器者攻金之工六也守藏者玉府內府也鄭
司農云受其入征者謂主受采金玉錫石丹青者

之租稅也揭而璽之者揭書其數量以著其物也
璽者印也既揭書揄其數量又以印封之今時之

音侍著直略反。搯音牋。識申志反。守。

入其要。

要凡數也。入之於大府。

掌受士之金罰貨罰入于司兵。

給治兵及工直也。貨泉貝也。罰。贖也。書曰金作贖刑。○贖音蜀。罰。

旅于上帝則共其金版。饗諸侯亦如之。

餅金謂之版。此版所施未聞。○餅必領反。

凡國有大故而用金石則掌其令。

主其取之令也。用金石者作槍雷椎棹之屬。○槍七羊反。雷當為礮。即對反。棹宅耕反。

司厲掌盜賊之任器貨賄辨其物皆有數量賈而揭。

之入于司兵。

鄭司農云。任器貨賄。謂盜賊所用傷人兵器及所盜財物也。入于司兵。若今時傷殺入所用兵器盜

賊。賊官。加責沒入。賈音嫁。

其奴。男子入于罪隸。女子入于舂槁。

鄭司農云。謂坐為盜賊而為奴者。輸於罪隸。舂入槁。入之官也。由是觀之。今之為奴者。婢古之罪隸。入也。

故書曰。予則奴戮汝。論語曰。箕子為之奴。罪隸之奴也。故春秋傳曰。斐豹隸也。著於丹書。請焚丹書。

我殺督戎。取為奴。欲焚其籍也。玄謂奴從坐而沒入縣官者。男女同名。○女音汝。

凡有爵者。與七十者。與未齟者。皆不為奴。

有爵。謂命士以上也。齟。毀齒也。男八歲。女七歲。而毀齒。○上時掌反。

犬。人掌犬牲。凡祭祀共犬牲。用牲物。伏瘞亦如之。

瘞鄭司農云牲純也物色也伏謂伏犬以王車轢之
瘞謂埋祭也爾雅曰祭地曰瘞埋○牲音全瘞於

例反轢
音歷

凡幾珥沈辜用駝可也

故書駝作龍鄭司農云幾讀為辰爾雅曰祭山川曰
辰縣祭川曰浮沈沈大宗伯職曰以埋沉祭山川林

澤以福辜祭四方百物龍讀為駝謂不純也玄
謂幾讀為創珥當為珥創珥者豐禮之事○駝土

江反辰九委反縣
音玄 龠劉孚逼反

凡相犬牽犬者屬焉掌其政治

相謂視擇知其善
惡○相息亮反

同圖掌收教罷民凡害人者弗使冠飾而加明刑焉

任之以事而收教之能改者上罪三年而舍中罪二

年而舍。下罪一年而舍。其不能改而出圜土者殺。雖出三年不齒。

弗使冠飾者著墨幪。若古之象刑與舍。釋之也。鄭司農云。罷民謂惡人不從化。為百姓所患苦而未入五刑者也。故曰凡害人者不使冠飾。任之以事。若今時罰作矣。○著丁略反。幪莫公反。

凡圜土之刑人也不虧體其罰人也不虧財。

言其刑人但加以明刑罰人但任之以事耳。鄭司農云。以此知其為民所苦而未入刑者也。故大司寇職曰。凡萬民之有罪過而未麗於法而害於州里者。桎梏而坐諸嘉石。役諸司空。又曰。以嘉石平

罷民。國語曰。罷士無伍。罷女無家。言為惡無所容入也。玄謂圜土所收教者。過失害人。已麗於法者。

掌囚 掌守盜賊。凡囚者。上罪桎。拳而桎。中罪桎。梏。下

罪梏。王之同族。拳。有爵者。桎。以待弊罪。

凡囚者謂非盜賊自以他罪拘者也。鄭司農云：「拳者，兩手共一木也。桎，桎者，兩手各一木也。玄謂在
手曰桎，在足曰桎。中罪不拳，手足各一木耳。下罪
又去桎，王同族及命士以上，雖有上罪，或拳或桎
而已。弊猶斷也。○桎，古毒反。拳，兩手各一木。書音義，章昭音
拱云：兩手共一木曰拳。兩手各一木曰桎。桎之實
反。

及刑殺。告刑于王，奉而適朝士，加明桎，以適市而刑
殺之。

告刑于王，告王以今日當行刑，及所刑姓名也。某
死罪，則曰某之罪在大辟。某刑罪，則曰某之罪在某

小辟。奉而適朝士，加重刑為王欲有所赦，且當以付
士。士，鄉士也。鄉士加重刑者，謂書其姓名及其罪

於桎而著之也。囚時雖有無桎者，至於刑殺，皆設
之以適市就衆也。庶姓無爵者，皆刑殺於市。○為

于偽反著
丁略反

凡有爵者與王之同族奉而適甸師氏以待刑殺。

適甸師氏亦由朝乃往也待刑殺者掌戮將自市來也文王世子曰雖親不以犯有司正術也所以

體異姓也刑于隱者不與國人慮兄弟也

掌戮 掌斬殺賊諜而搏之。

斬以鈇鉞若今要斬也殺以刀刃若今棄市也諜謂姦寇反間者賊與諜罪大者斬之小者殺之搏

當為搏諸城上之膊字之誤也膊謂去衣磔之○要一遙反間間廁之間去起呂反

凡殺其親者焚之殺王之親者辜之。

親總服以內也焚燒也易曰焚如死如棄如辜之言枯也謂磔之

凡殺人者踣諸市肆之三日刑盜于市。

踣僵尸也肆猶申也陳也凡言刑盜罪惡莫大焉○踣皮北反僵居良反

凡罪之麗於灋者亦如之。唯王之同族與有爵者殺之于甸師氏。

罪二千五百條上附下附刑五而已於刑同科者其刑殺之一也。

凡軍旅田役斬殺刑戮亦如之。

戮謂膊焚辜肆。

墨者使守門。

黥者無妨於禁御。

劓者使守關。

截鼻亦無妨以貌醜遠之。

宮者使守內。

以其人道絕也。今世或然。

剛者使守圜。

斷足驅衛禽獸無急行。

髡者使守積。

鄭司農云。髡當為完。謂但居作三年。不虧體者也。玄謂此出五刑之中。而髡者必王之同族。不宮者。

宮之為翦其類。髡頭而已。守積。積在隱者宜也。○積子賜反。

司隸掌五隸之灋。辨其物而掌其政令。

五隸謂罪隸。四翟之隸也。物衣服兵器之屬。

帥其民而搏盜賊。役國中之辱事。為百官積任器。凡

囚執人之事。

民五隸之民也。鄭司農云：百官所當任持之器物。此官主為積聚之也。玄謂：任猶用也。○為百于為

反

邦有祭祀賓客喪紀之事。則役其煩辱之事。

煩猶劇也。士喪禮下篇曰：隸人湮廁。○湮乃結反。

掌帥四翟之隸。使之皆服其邦之服。執其邦之兵。守

王宮與野舍之厲禁。

野舍。王行所止舍也。厲。遮例也。○遮。章奢反。例音烈。

罪隸 掌役百官府。與凡有守者。掌使令之小事。

役。給其小役。○令。力呈反。

凡封國若家。牛助為牽。傍。

鄭司農云凡封國若家謂建諸侯立大夫家也牛助為牽傍此官主為送致之也玄謂牛助國以牛

助轉徙也罪隸牽傍之在前曰牽在旁曰傍○傍步浪反

其守王宮與其厲禁者如蠻隸之事

蠻隸掌役校人養馬其在王宮者執其國之兵以守

王宮在野外則守厲禁

閩隸掌役畜養鳥而阜蕃教擾之掌子則取隸焉

杜子春云子當為祀玄謂掌子者王立世子置臣使掌其家事而以閩隸役之

夷隸掌役牧人養牛馬與鳥言

鄭司農云夷狄之人或曉鳥獸之言故春秋傳曰介葛盧聞牛鳴曰是生三犧皆用矣是以貉隸職

獸言

其守王宮者與其守厲禁者如蠻隸之事。

貉隸掌役服不氏而養獸而教擾之掌與獸言。

不言阜藩者猛獸不可服又不可求阮反

其守王宮者與其守厲禁者如蠻隸之事。

秋官司寇下

布憲掌憲邦之刑禁正月之吉執旌節以宣布于四方而憲邦之刑禁以詰四方邦國及其都鄙達于四海。

憲表也謂縣之也刑禁者國之五禁所以左右刑罰者司寇正月布刑于天下正歲又縣其書于象

魏布憲於司寇布刑則以旌節出宣令之於司寇縣書則亦縣之于門閭及都鄙邦國刑者王政所

凡重故屢丁寧焉。詰謹也。使四方謹行之。爾雅曰：九夷入蠻。六戎五狄。謂之四海。○縣音玄。

凡邦之大事。合衆庶。則以刑禁號令。

禁殺戮。掌司斬殺戮者。凡傷人見血而不以告者。攘

獄者。遏訟者。以告而誅之。

司猶察也。察此四者。告於司寇。罪之也。斬殺戮。謂吏民相斬相殺相戮者。傷人見血。見血乃為傷人。

耳。鄭司農云：攘獄者。距當獄者也。遏訟者。遏止欲訟者也。玄謂攘猶卻也。卻獄者。言不受也。

禁暴氏。掌禁庶民之亂暴力正者。擣誣犯禁者。作言

語而不信者。以告而誅之。

民之好為侵陵。稱詐謾誕。此三者亦刑所禁也。力正以力強得正也。○擣居表反。好呼報反。誣音但。

凡國聚衆庶。則戮其犯禁者。以徇。凡奚隸聚而出入

者則司牧之戮其犯禁者

奚隸女奴男奴也其聚出入有所使

野廬氏掌達國道路至于四畿

達謂巡行通之使不陷絕也去王城五百里曰畿○行下孟反

比國郊及野之道路宿息井樹

比猶較也宿息廬之屬賓客所宿及晝止者也井共飲食樹為蕃蔽

若有賓客則令守涂地之人聚橐之有相翔者誅之

守涂地之人道所生廬宿旁民也相翔猶昌翔觀伺者也鄭司農云聚橐之聚擊橐以宿衛之也有

令姦人相翔於賓客之側則誅之不得盜賓客○橐音託令力呈反

凡道路之舟車擊互者敘而行之

舟車擊互謂於迫隘處也。車有轅轅抵閣。舟有砥柱之屬。其過之者。使以次敘之。○擊音計。抵都禮。

音反砥

凡有節者。及有爵者。至則為之辟。

辟。辟行人。亦使守涂地者。

禁野之橫行徑踰者。

皆為防奸也。橫行。妄由田中徑踰射邪趨疾越隄渠也。○射食亦反。

凡國之大事。比修除道路者。

比。校治道者名。若今次金敘大功。

掌凡道禁。

禁。謂若今絕蒙布中持兵杖之屬。

周

禮 卷三十六

司寇刑官之職

十二中華書局聚

邦之大師。則令埽道路。且以幾禁行。作不時者。不物者。

不時。謂不夙。則莫者也。不物。謂衣服操持。非比常人也。幾。禁之者。備姦人內賊及反間。○莫。音暮。間。

間廁之間。

蜡氏除掌鼬。

曲禮。四足死者曰漬。故書鼬作脊。鄭司農云。脊讀為殯。謂死人骨也。月令曰。掩骼埋胔。骨之尚有肉

者也。及禽獸之骨皆是。○蜡。清。預反。鼬。似。賜反。注。殯。齒。皆同。殯。又作漬。脊。子亦反。骼。古百反。

凡國之大祭祀。令州里除不蠲。禁刑者。任人及凶服者。以及郊野。大師大賓客亦如之。

蠲。讀如吉。圭。惟。鑄之圭。圭。圭。潔也。刑者。黥。劓之屬。任人。司園所收。教罷民也。凶。圭。服。服。衰。經也。此所禁除。

者皆為不欲見人所蔽惡也。○獨古玄反。鑄昌志反。罷音皮。衰七雷反。為于偽反。蕝紆廢反。今本多

作穢惡鳥路反

若有死於道路者。則令埋而置。揭焉。書其日月焉。縣

其衣服。任器于有地之官。以待其人。

有地之官。主此地之吏也。其人其家人也。鄭司農云。揭欲令其識取之。今時揭槩是也。有地之官。有

郡界之吏。今時鄉亭是也。○揭音竭。縣音玄。

掌凡國之酺禁。

禁謂孟春掩骼埋胔之屬。

〔雍氏〕掌溝瀆澮池之禁。凡害於國稼者。春令為阱。獲

溝瀆之利於民者。秋令塞阱。杜獲。

溝瀆澮田間通水者也池謂陂障之水道也害於國稼謂水潦及禽獸也阱穿地為壑所以禦禽獸

其或超踰則陷焉世謂之陷阱獲柞收刈之時為淺則設柞鄂於其中秋而杜塞阱獲柞收刈之時為

其陷害人也書樂誓曰數乃獲斂乃阱時秋也伯禽以出師征徐戎○獲胡化反斂七豔反本又作

塹柞才伯反樂音祕數音杜斂乃協反又乃結反徐劉本作郃音徐

禁山之為苑澤之沈者

為其就禽獸魚鱉自然之居而害之鄭司農云不得擅為苑囿於山也澤之沈者謂毒魚及水蟲之

屬

萍氏掌國之水禁

水禁謂水中害人之處及入水捕魚鱉不時

幾酒

苛察沽買過多及非時者

謹酒。

使民節用酒也。書酒誥曰：有政有事，無彝酒。

禁川游者。

備波洋卒至沈溺也。○卒，寸忽反。

〔司寤氏〕掌夜時。

夜時謂夜晚早。若今甲乙至戊。

以星分夜以詔夜士夜禁。

夜士，主行夜徼候者。如今都候之屬。○行，下孟反。徼，古弔反。

禦晨行者。禁宵行者。夜遊者。

周

禮 卷三十六

司寇刑官之職

十三

中華書局聚

備其遭寇害及謀非公事禦亦禁也謂遏止之無
刑法也晨先明也宵定昏也書曰宵中星虛春秋

傳曰夜中星隕如
雨○先悉薦反

司烜氏掌以夫遂取明火於日以鑿取明水於月以

共祭祀之明盥明燭共明水

夫遂陽遂也鑿鏡屬取水者世謂之方諸取日之
火月之水欲得陰陽之潔氣也明燭以照鑊陳明

水以爲玄酒鄭司農云夫發聲明盥謂以明水脩
滌案盛黍稷○夫方符反司農音符盥音資注作

同案

凡邦之大事共墳燭庭燎

故書墳爲黃鄭司農云黃燭麻燭也玄謂墳大也
樹於門外曰大燭於門內曰庭燎皆所以照衆爲

明○黃
扶于反

中春以木鐸修火禁于國中。

為季春將出火也。火禁謂用火之處及備風燥。○中音仲。

軍旅修火禁。邦若屋誅則為明竊焉。

鄭司農云屋誅謂夷三族無親屬收葬者故為葬之也。三夫為屋一家田為一夫。以此知三家也。玄謂屋讀如其刑。屋之誅謂所殺不於市而以適甸師氏者也。明竊若今揭頭明書其罪法也。司與炬掌明竊則罪人夜葬。○竊昌銳反。屋音握。

周禮卷三十六

風雷卷三十六

同... 取明... 以... 以...

其保... 之明... 證... 共... 明... 水...

... 其... 之... 明... 證... 共... 明... 水...

... 其... 之... 明... 證... 共... 明... 水...

... 其... 之... 明... 證... 共... 明... 水...

軍... 效... 火... 禁... 濟... 諸... 武... 捷... 辨... 念... 即... 禱... 告...

... 其... 之... 明... 證... 共... 明... 水...

中... 春... 以... 木... 豎... 對... 火... 禁... 干... 園... 中...

周禮卷三十七

漢大司農北海鄭玄註

明後學東吳金蟠訂

司寇刑官之職

條狼氏掌執鞭以趨辟。王出入則八人夾道。公則六人。侯伯則四人。子男則二人。

趨辟趨而辟行人。若今卒辟車之為也。孔子曰富而可求雖執鞭之士吾亦為之。言士之賤也。○趨又音避。卒子忽反。

凡誓執鞭以趨於前。且命之。誓僕右曰殺。誓馭曰車。轅。誓大夫曰敢不關。鞭五百。誓師曰三百。誓邦之大。

史曰殺誓小史曰墨

以前謂所誓衆之行前也。有司讀誓辭則大言其刑以警所誓也。誓者謂出軍及將祭祀時也。出軍之

誓誓左右及馭則書之。甘誓備矣。郊特牲說祭祀之誓曰卜之日。王立于澤親聽誓命。受教諫之義

也。車輶謂車裂也。師樂師也。大史小史主禮事者。鄭司農云誓大夫曰敢不關謂不關於君也。玄謂

入大夫自受命以出則其餘事莫不復請。○輶戶串反。一音環。大音泰。注同行戶。剛反。警京領反。復請

上音服
下音情

修閭氏掌比國中宿互櫜者與其國粥而比其追胥者而賞罰之。

國中城中也。粥養也。國所游養謂羨卒也。追逐寇也。胥讀為偕。故書互為巨。鄭司農云宿謂宿衛也。

巨當為互。謂行馬所以障互。禁止人也。櫜謂行夜擊櫜。○比毗志反。宿如字。劉息就反。粥音偕。夜

胥又息
呂反

禁徑踰者。與以兵革趨行者。與馳騁於國中者。

皆為其
惑衆

邦有故。則令守其閭。互唯執節者不幾。

令者令其閭內之
閭胥里宰之屬

冥氏掌設弧張。

弧張。置暈之屬。所以扇絹禽獸。○冥音冕
置冒容反。暈音浮。扇古熒反。絹古大反。

為阱獲以攻猛獸。以靈鼓毆之。

靈鼓。大面鼓。犬之使驚趨
阱獲。○毆丘于反。後同。

若得其獸。則獻其皮革齒須備。

鄭司農云須直謂
頤下須備謂搔也

庶氏掌除毒蠱以攻說禴之嘉草攻之

毒蠱毒物而病害人者賊律曰敢蠱人及教令者
棄市攻說祈名祈其神求去之也嘉草藥物其狀

未聞攻之謂燠之鄭司農云禴除也玄謂此禴讀
如潰癰之潰○庶章預反毒蠱音古禴音潰戶內

反去起呂反
燠許云反

凡毆蠱則令之比之

使為之又
校次之

穴氏掌攻蟄獸各以其物火之

蟄獸熊羆之屬冬藏者也將攻之必先燒
其所食之物於穴外以誘出之乃可得之

以時獻其珍異皮革

【鼯氏】掌攻猛鳥。各以其物為媒而掎之。

猛鳥鷹隼之屬。置其所食之物於絹中。鳥來下。則掎其脚。○掎居綺反。隼息允反。

以時獻其羽翮。

【柞氏】掌攻草木及林麓。

林人所養者。山足曰麓。○柞側百反。麓音鹿。

夏日至。令刊陽木而火之。冬日至。令剝陰木而水之。

刊剝互言耳。皆謂斫去次地之皮。生山南為陽木。生山北為陰木。火之。則使其肄不生。○刊苦

干反。肆以四反。

若欲其化也。則春秋變其水火。

化猶生也。謂時以種穀也。變其水火者。乃所火則水之。所水則火之。則其土和美。

周

禮

卷三十七

司寇刑官之職

三 中華書局聚

凡攻木者掌其政令。

除木
有時

薙氏掌殺草。春始生而萌之。夏日至而夷之。秋繩而

芟之。冬日至而耜之。

故書萌作費。杜子春云：費當為萌。謂耕反其萌。芽書亦或為萌。玄謂萌之者以茲其斫其生者夷之。

以鉤鎌迫地芟之也。若今取芟矣。含實曰繩。繩音芟。其繩則實不成。孰耜之。以耜側凍土。剗之。○繩音孕。

以證反。芟音所。銜反。費音萌。茲其音基。鎌音廉。芟音交。剗初產反。劉則展反。

若欲其化也。則以水火變之。

謂以火燒其所芟萌之草。已而水之。則其土亦和美矣。月令：夏季燒薙行水。利以殺草。如以熱湯是

其一時
著之。

掌凡殺草之政令。

〔誓族氏〕掌覆天鳥之巢。

覆猶毀也。天鳥惡鳴之鳥。若鴉鷲。○覆芳復反。天音妖。鴉于嬌反。鷲音服。

以方書十日之號。十有二辰之號。十有二月之號。十有二歲之號。二十有八星之號。縣其巢上則去之。

方版也。日謂從甲至癸辰。謂從子至亥月。謂從姤至茶歲。謂從攝提格至赤奮若星。謂從角至軫天。

鳥見此五者而去。其詳未聞。○縣音玄。姤徐劉並子須反。茶音餘。又音徒。

〔翦氏〕掌除蠹物以攻榮攻之以莽草熏之。

蠹物穿食入器物者。蠹魚亦是也。攻榮祈名。莽草藥物殺蟲者以熏之。則死。故書蠹為蘘。杜子春云。

蘘當為蠹。○蠹丁故反。劉音貢。榮音詠。莽上蕩反。蘘古毛反。本或作貢。他各反。

凡庶蠱之事。

庶除毒蠱者。蠱蠱之類。或熏以莽草則去。○庶章預反。

赤友氏掌除牆屋以蜃炭攻之。以灰洒毒之。

洒灑也。除牆屋者。除蟲牙藏處。其中者。蜃大蛤也。擣其炭以坩之。則走。淳之以灑之。則死。故書蜃為

晨。鄭司農云。晨當為蜃。書亦或為蜃。○蜃市軫反。洒色買反。牙直氏反。坩蒲悶反。淳之純反。

凡隙屋除其狸蟲。

狸蟲。蜃肌求之屬。○狸莫皆反。蜃草夜反。肌居其反。求本或作球。音求。

蠹氏掌去蠹。黽焚牡鞠以灰洒之。則死。

牡鞠。鞠不華者。齊魯之間。謂蠹為蠹。黽耿黽也。蠹與耿。黽尤怒鳴。為聒人耳。去之。○去起呂反。蠹戶

媯反。聒于偽反。下古活反。

以其煙被之。則凡水蟲無聲。

杜子春云。假令風從東方來。則於水東面為烟。令烟西行。被之水上。○被皮義反。令力呈反。

壺涿氏掌除水蟲。以炮土之鼓毆之。以焚石投之。

水蟲。狐蜮之屬。故書炮。炮。杜子春讀。炮為苞。有苦葉之苞。玄謂。燔之。炮。炮。土之鼓。瓦鼓也。焚。

石投之。使驚去。○炮步交反。注。炮苞同。蜮音。或燔音。煩。

若欲殺其神。則以牡槀午貫象齒而沈之。則其神死。

淵為陵。

神謂水神。龍罔象。故書槀。槀為梓。午為五。杜子春云。梓當為槀。槀讀為枯。枯。榆木名。書或為槀。又云。五。

貫當為午。貫。○槀音。沽。杜讀為。枯。梓音。子。本。或作槀。槀丑居反。

庭氏掌射國中之天鳥。若不見其鳥獸。則以救日之。

弓與救月之矢射之。

不見鳥獸謂夜來鳴呼為怪者獸狐狼之屬鄭司農云救日之弓救月之矢謂日月食所作弓矢玄

謂日月之食陰陽相勝之變也於日食則射大陰月食則射大陽與○射食亦反大音泰

若神也則以大陰之弓與枉矢射之。

神謂非鳥獸之聲若或叫于宋大廟謹謹出出者太陰之弓救月之弓枉矢救日之矢與不言救月

之弓與救日之矢者互言之救日用枉矢則救月以恆矢可知也○謹許其反誦音出本亦作出

銜枚氏掌司躑。

察躑讓者為其聒亂在朝者之言語○躑五羔反謹呼九反朝直遙反

國之大祭祀令禁無躑。

令主祭祀者

軍旅田役命銜枚

為其言語以相誤

禁踴呼歎鳴於國中者行歌哭於國中之道者

為其感眾相惑動鳴吟也。○辨音叫吟魚今反

伊耆氏掌國之大祭祀共其杖咸

咸讀為函老臣雖杖於朝事鬼神尚敬去之有司以此函藏之既事乃授之。○函音咸去起呂反

軍旅授有爵者杖

別吏卒且以扶尊者將軍杖鉞。○別彼烈反卒子忽反杖直亮反又音丈鉞音越

共王之齒杖

王之所以賜老者之杖鄭司農云謂年七十當以王命受杖者今時亦命之為王杖玄謂王制曰五

十杖於家六十杖於朝七十杖於國八十杖於鄉

大行人掌大賓之禮及大客之儀以親諸侯

大賓要服以內諸侯大客謂其孤卿○要於遙反

春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政

此六事者以王見諸侯為文圖比陳協皆考績之言王者春見諸侯則圖其事之可否秋見諸侯則

比其功之高下夏見諸侯則陳其謀之是非冬見諸侯則合其慮之異同六服以其朝歲四時分來

更迭如此而徧時會即時見也無常期諸侯有不順服者王將有征討之事則既朝王命為壇於國

外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同

命者六服盡朝既朝王亦命為壇於國外合諸侯而
終則徧矣九伐九法皆在司馬職司馬法曰春以
禮朝諸侯圖同事夏以禮宗諸侯陳同謀秋以禮
覲諸侯比同功冬以禮遇諸侯圖同慮時以禮會
諸侯施同政殷以禮宗諸侯發同禁○朝直遙反
之比毗志反戚如字更音庚迭直結
反徧音遍見賢徧反下殷見同

時聘以結諸侯之好殷覲以除邦國之慝

聘此二事者亦以王見諸侯之臣使使來者為文也時
聘者亦無常期天子有事諸侯使大夫來聘親以
禮見之禮而遣之所以結其恩好也天子無事則
已殷覲謂一服朝之歲也慝猶惡禮一服朝之歲
五服以政禁之使卿以聘禮來覲天子天子以禮見
之命以政禁之使卿以聘禮來覲天子天子以禮見
通弔反慝吐得反使
色吏反行下孟反

間問以諭諸侯之志歸賑以交諸侯之福賀慶以贊

諸侯之喜致禴以補諸侯之裁。

此四者王使臣於諸侯之禮也。間問者。間歲一問。諸侯謂存省之屬。諭諸侯之志者。諭言語。諭書名。

其類也。交。或往。或來者。也。贊助也。致禴。凶禮之弔。禮禴禮也。補諸侯裁者。若春秋澶淵之會。謀歸宋。

財。○脹上忍反。禴音會。澶市然反。禴。

以九儀辨諸侯之命。等諸臣之爵。以同邦國之禮。而待其賓客。

九儀。謂命者。五。公侯伯子男也。爵者。四。孤。卿。大夫。士也。

上公之禮。執桓圭九寸。纁藉九寸。冕服九章。建常九旒。樊纓九就。貳車九乘。介九人。禮九牢。其朝位。賓主之閒。九十步。立當車軹。擯者五人。廟中將幣。三享王。

禮再裸而酢饗禮九獻食禮九舉出入五積三問三
勞諸侯之禮執信圭七寸纁藉七寸冕服七章建常
七旒樊纓七就貳車七乘介七人禮七牢朝位賓主
之閒七十步立當前疾擯者四人廟中將幣三享王
禮壹裸而酢饗禮七獻食禮七舉出入四積再問再
勞諸伯執躬圭其他皆如諸侯之禮諸子執穀璧五
寸纁藉五寸冕服五章建常五旒樊纓五就貳車五
乘介五人禮五牢朝位賓主之間五十步立當車衡
擯者三人廟中將幣三享王禮壹裸不酢饗禮五獻
食禮五舉出入三積壹問壹勞諸男執蒲璧其他皆

如諸子之禮。

繅藉以五采韋衣板若奠玉則以藉之冕服著冕

垂者也五章者自宗彝以下也常旌旒也旒其屬慘

一就就成也貳副也介輔己行禮者也禮大禮饗

車而出迎之所立處也王始立大門內交擯三辭乃乘

盛禮以飲賓也王立當軫與廟受命祖之廟也饗設

享三獻也裸讀為灌再灌再飲司農云車軹報飲也三

馬也舉舉樂也出入五積謂之芻米也前疾謂駟

之庭實惟國所有朝士儀曰奉國地所出重物而獻

也王禮王以鬱鬯以實彝而陳之禮者使宗伯攝酌

之也王禮王以鬱鬯以實彝而陳之禮者使宗伯攝酌

送爵是謂再裸再裸再裸又攝酌璋瓚而裸后一裸而

酢者裸賓賓而巳不酢王也后不酢之禮聘禮禮賓是

與九舉舉牲體九飯也出入謂從來訖去也每積

藉忍在夜反裸古亂反留乘繩證反介音界軹之氏反擯

音報反信音申衣於既反著丁略反屬章玉反慘

尚反拄張矩反飯
扶晚反殺色界反

凡大國之孤執皮帛以繼小國之君出入三積不問

壹勞朝位當車前不交擯廟中無相以酒禮之其他

皆眡小國之君

此以君命來聘者也孤尊既聘享更自以其贄見
執束帛而已豹皮表之為飾繼小國之君言次之

也。朝聘王之禮。每一國畢。乃前不交擯者。不使介傳辭。交聘王之禮。每一國畢。乃前不交擯者。不使介傳

門西上而立。不和之前。不用鬱鬯耳。其介是與。以酒禮之

壹。牢禮賓主之間。擯者將幣。裸酢饗食之數。○相息亮反。李息丈反。摯本又作贄。音至。見賢遍反。傳直

才專反。齊計反。

凡諸侯之卿。其禮各下其君二等以下。及其大夫士

皆如之。

此亦以君命來聘者也。所下其君者。介與朝位。賓主之間也。其餘則自以其爵。聘義曰。上公七介。侯

伯五介。子男三介。是謂使。卿之聘之數也。朝位。則上公七十步。侯伯五十步。子男三十步。與。

邦畿方千里。其外方五百里。謂之侯服。歲壹見。其貢

祀物。又其外方五百里。謂之甸服。二歲壹見。其貢

物。又其外方五百里。謂之男服。三歲壹見。其貢器物。又其外方五百里。謂之采服。四歲壹見。其貢服物。又其外方五百里。謂之衛服。五歲壹見。其貢材物。又其外方五百里。謂之要服。六歲壹見。其貢貨物。

要服。蠻服也。此六服去王城三千五百里。相距方七千里。公侯伯子男封焉。其朝貢之歲。四方各四

分趨四時而來。或朝春。或宗夏。或覲秋。或遇冬。祀貢者。犧牲之屬。故書嬪作類。鄭司農云。嬪物。婦人

所為物也。爾雅曰。嬪婦也。玄謂嬪物。絲枲也。器物。尊彝之屬。服物。玄纁。絲纁也。材物。入材也。貨物。龜

貝也。○嬪。婢入反。絲。勅之反。纁。音曠。

九州之外。謂之蕃國。世壹見。各以其所貴寶為摯。

九州之外。夷服。鎮服。蕃服也。曲禮曰。其在東夷北狄。西戎南蠻。雖大曰子。春秋傳曰。杞伯也。以夷禮。

故曰子然則九州之外其君皆一來耳各以其所貴

寶為贄則蕃國之君無執玉瑞者是以謂其君為小賓臣為小客所貴寶見傳者若大戎獻白狼白

鹿是也其餘則周書王會備焉
○見傳上賢遍反下直戀反

王之所以撫邦國諸侯者歲徧存三歲徧頰五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器修灋則十有二歲王巡守殷國

其撫猶安也存頰省者王使臣於諸侯之禮所謂問也歲者巡守之明歲以為始也屬猶聚也自五

歲之後遂間歲徧省也七歲省而召其象胥九歲省而召其瞽史皆聚於天子之宮教習之也故書

協辭命作叶詞命鄭司農云象胥譯官也叶當為汁詞當為辭書或為叶辭命玄謂胥讀為謂王制

曰五方之民言語不通嗜慾不同達其志通其慾
東方曰寄南方曰象西方曰狄鞮北方曰譯此官
正爲象胥云謂謂象之有才知者也辭命六辭之
官爲象胥云謂謂象之有才知者也辭命六辭之
曰名聘禮曰百名以上至十一年書名書文字也古
尺也量豆區釜也數器銓衡也灋入灋也則入則
也達同成修皆謂齋其灋式行至則齊等之也成
之平也平其僭踰者也王巡守諸侯會者各以其時
之方書曰遂觀東后是也其殷國則四方四時分
來如平時○屬章束反叶音協詞音辭譯音亦汁
之十反又音協謂思敘反嗜市志反慾音欲鞮丁
兮反重直龍反知
音智齋子兮反

凡諸侯之王事辨其位正其等協其禮賓而見之

王事以王之事來也詩云莫敢不來王孟子曰諸侯有王

若有大喪則詔相諸侯之禮

周

禮卷三十七

司寇刑官之職

十二中華書局聚

也。○相左。右教告之。

若有四方之大事。則受其幣。聽其辭。

四方之大事。謂國有兵寇。諸侯來告。急者禮動。不虛皆有贄幣。以崇敬也。受之。以其事入告王也。聘

禮曰。若有言。則以束帛如享禮。

凡諸侯之邦交。歲相問也。殷相聘也。世相朝也。

小聘曰問。殷中世。凡無事。又於殷朝者。及而相聘也。父死。子立。曰世。凡君即位。大國朝焉。小國聘焉。

此皆所以習禮考義。正刑一德。以尊天子也。必擇有道之國。而就脩之。鄭司農說。殷聘以春秋傳曰。

孟僖子如齊。殷聘是也。

小人掌邦國賓客之禮籍。以待四方之使者。

禮籍。名位尊卑之書。使者。諸侯之臣。使來者也。○使色。吏反。

令諸侯春入貢。秋獻功。王親受之。各以其國之籍禮之。

貢。六服所貢也。功。考績之功也。秋。獻之。若今計文書。斷於九月。其舊法。

凡諸侯入王。則逆勞于畿。

鄭司農云。入王。朝於王也。故春秋傳曰。宋公不王。又曰。諸侯有王。王有巡守。

及郊。勞。眡館。將幣。為承而擯。

眡。館。致館也。承。猶丞也。王使勞賓於郊。致館於賓。至將幣。使宗伯為上擯。皆為之丞。而擯之。

凡四方之使者。大客則擯。小客則受其幣。而聽其辭。

擯者。擯而見之。王使所得親言也。受其幣者。受之以入告其所為來之事。

使適四方。協九儀。賓客之禮。朝覲宗遇會同。君之禮。

也存。覘省聘問臣之禮也。

適之也。協合也。

達天下之六節。山國用虎節。上國用人節。澤國用龍節。皆以金爲之。道路用旌節。門關用符節。都鄙用管節。皆以竹爲之。

此謂邦國之節也。達之者使臣行。頒聘則以金節授之。以齊等之也。諸侯使臣行。頒聘則以金節授之。以

爲行道之信也。虎人龍者。自其國象也。道路謂鄉遂大夫也。都鄙者。公之子弟及卿大夫之采地之

吏也。凡邦國之民遠出至他邦。他邦之民若來入由國門者。門人爲之節。由關者。關人爲之節。其以

徵令及家徙鄉遂大夫及采地吏爲之節。皆使人執節將之。以達之。亦有期以反節。管節如今之竹

使符也。其有商者通之。以符節如門關者。與市聯事。節可同也。亦所以異於畿內也。凡節有天

子法式
存於國

成六瑞。王用瑱。圭。公用桓。圭。侯用信。圭。伯用躬。圭。子

用穀。璧。男用蒲。璧。

成平也。瑞信也。皆朝見所
執以爲信。○瑱吐電反。

合六幣。圭以馬。璋以皮。璧以帛。琮以錦。琥以繡。璜以
黼。此六物者。以和諸侯之好故。

合同也。六幣所以享也。五等諸侯。享天子用璧。享
后用琮。其大各如其瑞。皆有庭實。以馬若皮。皮。虎

豹皮也。用圭璋者。二王之後也。二王後尊。故享用
圭璋。而特之。禮器曰圭璋。特義亦通於此。其於諸

侯亦用璧。琮耳。子男於諸侯。則享用琥璜。下其瑞
也。凡二王後諸侯。相享之玉。大小各降其瑞。一等

及使。獅大夫。類聘亦如之。○琮才
宗反。琥音虎。璜音黃。好呼報反。

周

禮

卷三十七

司寇刑官之職

十一 中華書局聚

若國札喪則令賻補之。若國凶荒則令調委之。若國師役則令槁檜之。若國有福事則令慶賀之。若國有禍哉則令哀弔之。凡此五物者治其事故。

故書賻作傅。槁為稟。鄭司農云。賻補之。謂賻喪家。補助其不足也。若今時一室二尸則官與之棺也。

稟當為槁。謂槁師也。玄謂師役者。國有兵寇以匱病者也。使鄰國合會財貨以與之。春秋定五年夏。

歸粟於蔡是也。宗伯職曰。以檜禮哀圍敗。禍哉水火。○槁苦報反。檜音會。稟古老反。

及其萬民之利害為一書。其禮俗政事教治刑禁之逆順為一書。其悖逆暴亂作慝猶犯令者為一書。其札喪凶荒厄貧為一書。其康樂和親安平為一書。凡此五物者。每國辨異之。以反命于王。以周知天下之

故

憲惡也。猶圖也。○
治直吏反樂音洛。

周禮卷三十七

周

禮

卷三十七

司寇刑官之職

古中華書局聚

周禮卷三十八

漢大司農北海鄭玄註

明後學東吳葛鼎訂

司寇刑官之職

司儀掌九儀之賓客擯相之禮以詔儀容辭令揖讓之節。

出接賓曰擯入贊禮曰相以詔者以禮告王

將合諸侯則令為壇三成宮旁一門。

合諸侯謂有事而會也為壇于國外以命事宮謂壇土以為牆處所謂為壇壇宮也天子春帥諸侯

拜日於東郊則為壇於國東夏禮日於南郊則為壇於國南秋禮山川丘陵於西郊則為壇於國西

冬禮月四瀆於北郊則為壇於國北既拜禮而還加方明於壇上而祀焉所以教尊尊也觀禮曰諸

侯觀於天子為宮方三百步四門壇十有二尋深四尺是也王巡守殷國而同則其為官亦如此與

鄭司農云三成三重也爾雅曰丘一壘為敦丘再成為陶丘三成為昆侖丘謂三重○壘惟癸反重

直龍反

詔王儀南鄉見諸侯土揖庶姓時揖異姓天揖同姓

謂王既祀方明諸侯皆就上介皆奉其君之旂置於前乃詔王升壇諸侯皆就其旂而立諸公中階之前

西北面東上諸侯東階之東西面北上諸男門西北面

東上王揖之者定其位也庶姓無親者也土揖推手小下之也異姓婚姻也時揖平推手也衛將軍

文子曰獨居思仁公善言義其聞詩也一日三復白圭之玷是南宮縉之行也夫子信其仁以為異

之姓故妻之也天揖推手小舉

及其擯之。各以其禮。公於上等。侯於中等。子男於下等。

謂執玉而前見於王也。擯之各以其禮者。謂擯公者五人。侯伯四人。子男三人也。上等。中等。下等者。

謂所奠玉處也。壇三成。深四尺。則一等一尺也。壇十有二尋。方九十六尺。則堂上二丈四尺。每等丈

二尺。與諸侯各於其等。奠王降拜。升成拜。明臣禮也。既乃升堂。受王玉。

其將幣亦如之。其禮亦如之。

將幣。享也。禮謂以鬱鬯裸之也。皆於其等之上。

王燕則諸侯毛。

謂以頌髮坐也。朝事尊上爵。燕則親上齒。鄭司農云。謂老者在上也。老者二毛。故曰毛。

凡諸公相為賓。

周

禮 卷三十八

司寇刑官之職

一一中華書局聚

朝也。

主國五積。三問。皆三辭。拜受。皆旅擯。再勞。三辭。三揖。

登拜受。拜送。

賓所停止。則積。間。則問。行道。則勞。其禮。皆使。來。大夫。致之。從。則積。間。則去。數。如此。也。三辭。辭。其。以。禮。來。

於外也。積。問。不。言。登。受。之。於。庭。也。鄭。司。農。云。旅。讀。為。於。旅。於。泰。山。之。旅。謂。九。人。傳。辭。相。授。於。上。下。竟。問。

賓。從。末。上。行。介。還。受。上。傳。之。玄。謂。旅。讀。為。鴻。臚。之。臚。臚。陳。之。也。賓。之。介。九。人。使。者。七。人。皆。陳。擯。位。不。

傳。辭。也。賓。之。上。介。出。請。使。者。則。前。對。位。皆。當。其。末。擯。焉。三。揖。謂。庭。中。時。也。拜。送。送。使。者。○。末。上。時。掌。

反。下。上。傳。上。車。同。

主君郊勞。交擯。三辭。車逆拜辱。三揖。三辭。拜受。車送。

三還再拜。

謂主君郊勞備三勞而親之也。鄭司農云：交擯三辭，謂賓主之擯者俱三辭也。車逆主人以車迎賓於館也。拜辱賓拜謝辱也。玄謂交擯者各陳九介使傳辭也。車迎拜辱者賓以主君親來乘車出舍門而迎之。若欲遠就之，然後見之，則下拜。迎謝其自屈辱來也。至去又出車，若欲遠送，然主君三還辭之。乃再拜送之也。車送迎之節，各以其等。則諸公九十步立，當車軹也。三辭重者先辭，辭其以禮來於外，後辭辭升堂。

致館亦如之。

館舍也。使大夫授之。君又以禮親致焉。

致殮如致積之禮。

俱使大夫禮同也。殮，食也。小禮曰殮，大禮曰饗餼。

及將幣交擯三辭。車逆拜辱。賓車進答拜三揖三讓。

每門止一相及廟唯上相入賓三揖三讓登再拜授幣賓拜送幣每事如初賓亦如之及出車送三請三進再拜賓三還三辭告辟

鄭司農云交擯擯者交也賓車進答拜賓上車進主人乃答其拜也及出車送三請主人三請留賓

言也三進進隨賓也賓三還三辭告辟賓三還辭謝已辟去也玄謂既三辭主君則乘車出大門而

迎賓見之而下拜其辱賓車乃前而下答拜也三揖者相去九十步揖之使前也至而前三讓讓入門也

相謂主君擯者及賓之介也謂之相者於外傳辭耳入門當以禮詔侑也介介紹而傳命者君子以其

所尊不敢質敬之至也每門止一相彌相親也君入門介拂闈闈大夫中棖與闈之間士介拂棖此為

介鴈行相隨也止之者絕行在後耳賓三揖三讓讓升也登再拜授幣授當為受主人拜至且受玉

也每事如初謂享及有言也賓當為儀謂以鬱鬯禮賓也上於下曰禮敵者曰儀禮器曰諸侯相朝

灌用鬱鬯。無籩豆之薦。謂此朝禮畢。饋賓也。三請
三進。請賓就車也。主君每一請車。一進欲遠送之。
也。三還。三辭。主君一請者。賓亦一還。一辭。○賓拜
音擯。下賓使者同。辟。劉薄。歷反。辟音避。闌魚列反。
張直庚反。行戶剛反。

致饗餼還圭饗食致贈郊送皆如將幣之儀

此六禮者。惟饗食速賓耳。其餘主君親往。親往者
賓爲主人。主人爲賓。君如有故。不親饗食。則使大
夫以酬幣。侑幣致之。鄭司農云。還圭歸其玉也。故
公子重耳受殽反璧。因謂聘以圭璋禮也。享以璧
琮。財也。已聘而還圭璋。輕財而重禮。贈送
以財。既贈又送。至于郊。○還音環。食音嗣。

賓之拜禮拜饗餼拜饗食

鄭司農云。賓之拜禮者。因言賓所當拜者之禮也。
所當拜者。拜饗餼。拜饗食。玄謂賓將去就朝拜謝
此三禮。三禮禮之重者也。賓既拜
主君。乃至館。贈之。去又送之。于郊。

賓繼主君皆如主國之禮。

鄭司農云賓繼主君復主入之禮費也故曰皆如主國之禮玄謂繼主君者儉主君也儉之者主君

郊勞致館饗餼還圭贈郊送之時也如其禮者謂玉帛皮馬也。有饌陳之積者不如也。若饗食主君

及燕亦速焉。○費芳味反焉。

諸侯諸伯諸子諸男之相為賓也。各以其禮相待也。

如諸公之儀。

賓主相待之儀與諸公同也。饗餼饗食之禮則有降殺。○殺色界反。

諸公之臣相為國客。

謂相聘也。

則三積皆三辭拜受。

受者受之於庭也。侯伯之臣不致積。

及大夫郊勞。旅擯。三辭拜辱。三讓登聽命。下拜登受。

賓使者如初之儀。及退拜送。

登聽命。賓登堂也。賓當為擯。勞用東帛。擯用東錦。侯伯之臣受勞於庭。

致館如初之儀。

如郊勞也。不饋耳。侯伯之臣致館于庭。不言致殮者。君於聘大夫不致殮也。聘禮曰殮。不致。賓不拜。

及將幣。旅擯。三辭拜逆。客辟。三揖。每門止一相。及廟。

唯君相入。三讓。客登拜。客三辟。授幣。下出。每事如初。

之儀。

客辟。逡巡不答拜也。惟君相入。客臣也。相不入矣。拜主君拜客至也。客三辟三退。負序也。每事。享及。

言有

及禮私面私獻皆再拜稽首君答拜

禮以醴禮客私面私覲也既覲則或有私獻者鄭司農云說私面以春秋傳曰楚公子棄疾見鄭伯

以其乘馬私面

出及中門之外問君客再拜對君拜客辟而對君問大夫客對君勞客客再拜稽首君答拜客趨辟

中門之外即大門之內也問君曰君不恙乎對曰使臣之來寡君命臣于庭問大夫曰君二三子不恙

乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞問君客再

拜對者為敬慎也

致饗餼如勞之禮饗食還圭如將幣之儀

使饗食亦謂君不親而
大夫以幣致之

君館客。客辟介受命。遂送。客從拜辱于朝。

君館客者。客將去。就省之。盡殷勤也。遂送。君拜以送客。○從才用反。

明日。客拜禮。賜遂行。如入之積。

禮賜謂乘禽。君之加惠也。如入之積。則三積從來至去。○乘繩證反。

凡諸伯子男之臣。以其國之爵相為客而相禮。其儀亦如之。

爵。卿也。大夫也。士也。

凡四方之賓客。禮儀辭命。餼牢。賜獻。以二等從其爵。而上下之。

而上下猶豐殺也。

凡賓客送逆同禮。

謂郊勞郊送之屬

凡諸侯之交。各稱其邦而為之幣。以其幣為之禮。

幣。享幣也。於大國則豐。於小國則殺。主國禮之。如其豐殺。謂賄用束紡。禮用玉帛。乘皮及贈之屬。○

稱尺證反

凡行人之儀。不朝不夕。不正其主面。亦不背客。

謂擯相傳辭時也。不正東鄉。不正西鄉。常視賓主之前。却得兩鄉之而已。

行夫掌邦國傳遽之小事。燂惡而無禮者。凡其使也。

必以旌節。雖道有難。而不時必達。

傳遽若今時乘傳騎驛而使者也。嫩福慶也。惡喪荒也。此專之小者與禮行夫主使之道有難謂遣

疾有禮他故不以時至也。必達王命不可廢也。其大者有禮大小行人使之有故則介傳命不嫌不達

介○傳張戀反遽其庶反使色
吏反難乃旦反傳直宜反

居於其國則掌行人之勞辱事焉使則介之

使謂大小行人也故書曰夷使鄭司農云夷使使於四夷則行夫主為之介因謂夷發聲○焉劉音

夷

環人掌送逆邦國之通賓客以路節達諸四方

通賓客以常事往來者也
路節旌節也四方圻上

舍則授館令聚橧有任器則令環之

令令野廬氏也鄭司農云四方人有任器者則環人主令殉環守之○殉徐音循

周

凡門關無幾送逆及疆。

鄭司農云門關不得苛留環人也。國謂環人送逆之則賓客出入不見幾。○疆居良反。

象胥掌蠻夷閩貉戎狄之國使掌傳王之言而諭說

焉以和親之。

謂蕃國之臣來類聘者。○閩亡巾反。貉亡百反。使所吏反。

若以時入賓則協其禮與其辭言傳之。

以時入賓謂其君以世一見來朝為賓者。○見賢遍反。

凡其出入送逆之禮節幣帛辭令而賓相之。

從來至去皆為攢而相侑其禮儀。○賓音儻下同。相息亮反。

凡國之大喪詔相國客之禮儀而正其位。

臣客謂諸侯使來弔者

凡軍旅會同受國客幣而賓禮之。

謂諸侯以王有軍旅之事使臣奉幣來問

凡作事王之大事諸侯次事卿次事大夫次事上士

下事庶子。

作使也鄭司農云王之大事諸侯使諸侯執大事也次事卿使卿執其次事也次事使大夫次事使

使上士下事庶子

掌客掌四方賓客之牢禮餼獻飲食之等數與其政

治。

政治邦新殺禮之屬

王合諸侯而饗禮則具十有二牢庶具百物備諸侯長十有再獻

饗諸侯而用王禮之數者以公侯伯子男盡在是兼饗之莫敵用也諸侯長者九命作伯者也獻公侯

以下如其命數○長丁丈反敵丁歷反

王巡守殷國則國君膳以牲犢令百官百姓皆具從者三公眡上公之禮卿眡侯伯之禮大夫眡子男之禮士眡諸侯之卿禮庶子壹眡其大夫之禮

凡國君者王所過之國君也犢繭栗之犢也以膳天子貴誠也牲孕天子不食也祭帝不用也凡賓客

則皆角尺令者掌客令主國也百牲皆具言無有不具備○從才用反

凡諸侯之禮上公五積皆眡殮牽三問皆脩羣介行

人宰史皆有牢。殮五牢。食四十。簠十。豆四十。鉶四十。有二。壺四十。鼎簋十有二。牲三十有六。皆陳。饗餼九牢。其死牢如殮之陳。牽四牢。米百有二十。筮醯醢百有二十。饗車皆陳。車米。眡生牢。牢十車。車乘有五。斂車禾。眡死牢。牢十車。車三秣芻薪倍禾。皆陳。乘禽日九十。雙。殷膳大牢。以及歸。三饗三食三燕。若弗酌。則以幣致之。凡介行人宰史皆有殮饗餼。以其爵等爲之。牢禮之陳數。唯上介有禽獻。夫人致禮。八壺八豆八籩。膳大牢。致饗大牢。食大牢。卿皆見。以羔膳大牢。侯伯四積。皆眡殮。牽再問。皆脩。殮四牢。食三十有二。

簠八豆三十有二。劔二十有八。壺三十有二。鼎簋十有二。腥二十有七。皆陳饗餼七牢。其死牢如殮之陳。牽三牢。米百筥。醯醢百甔。皆陳。米三十車。禾四十車。芻薪倍禾。皆陳。乘禽日七十雙。殷膳大牢三饗。再食再燕。凡介行人宰史。皆有殮饗餼。以其爵等爲之禮。唯上介有禽獻。夫人致禮八壺八豆八籩。膳大牢。致饗大牢。卿皆見以羔膳特牛。子男三積。皆眡殮。牽壹。問以脩殮三牢。食二十有四。簠六豆二十有四。劔十有八。壺二十有四。鼎簋十有二。牲十有八。皆陳饗餼五牢。其死牢如殮之陳。牽二牢。米八十筥。醯醢八十。

饗皆陳米二十車。禾三十車。芻薪倍禾。皆陳。乘禽日五十雙。壹饗。壹食。壹燕。凡介行人宰史皆有殮。饗餼以其爵等爲之禮。唯上介有禽獻。夫人致禮六壺六豆。六籩。膳。眡。致饗。親見卿。皆膳特牛。

積皆視殮。牽謂所共如殮而牽牲以往不殺也。不殺則無鉶鼎。簠簋之實。其米實于筐。豆實實于饗。

其設筐陳于楹內。饗陳于楹外。牢陳于門西。車米禾芻薪陳于門外。壺之有無未聞。三問皆脩脩脯。

也。上公三問。皆脩下句云。羣介行人宰史皆有牢。君用脩而臣有牢。非禮也。蓋著脫字失處且誤耳。

殮客始至。致小禮也。公侯伯子男殮皆餼。一牢。其餘牢則腥。食者其庶羞。美可食者也。其設蓋陳于

楹外。東西不過四列。簠稻梁器也。公十簠。堂上六西夾。東夾各二也。侯伯八簠。堂上四。西夾東夾各

二。子男六簠。堂上二。西夾東夾各二。豆菹醢器也。公四十豆。堂上十六。西夾東夾各十二。侯伯三十

二豆。堂上十二。西夾東夾各六。禮器曰天子之豆二十四。豆有

六。諸公十。有六。諸侯十。有二。上大。夫八。下大夫六。以聘禮差之。則堂上之數與此同。銅羹器也。公銅

四十二。侯伯二十四。亦非也。其於衰公又當三十。於言書或為二。侯伯二十四。亦非也。其於衰公又當三十。於言

又為無施。禮之大數。銅少於豆。推其衰公銅四十二。宜為無施。禮之大數。銅少於豆。推其衰公銅四十二。

東夾各十。侯伯堂上十二。西夾東夾各八。子男堂上十。西夾東夾各四。壺酒器也。其設於堂夾如豆

正。數九。鼎牲器也。簋黍稷器也。鼎十。有二者。鉶一。牢之。數九。鼎牲器也。簋黍稷器也。鼎十。有二者。鉶一。牢

主也。牲當為腥。聲之誤也。腥謂腥鼎也。於侯伯食之。八。西夾東夾各二。合言鼎簋者。牲與黍稷俱食之。

腥。二十。有七。其故。腥字也。諸侯禮盛。腥鼎有鮮魚。鮮腊。每牢皆九。為列。設于阼階前。公腥鼎三十。六。

腥。四。牢也。侯伯腥鼎二十七。腥門內之實。備于腥。鼎。十。八。腥二。牢也。皆陳。陳列也。殮門內之實。備于腥。鼎。

矣。亦有車米禾芻薪。公殮五。牢。米三十。車。禾三十。車。侯伯四。牢。米禾芻薪。公殮五。牢。米三十。車。禾三十。

二十車芻薪皆倍其禾。饗餼既相見，致大禮也。大者既兼殮，積有生有腥，有孰餘，又多也。死牢如殮。

之陳亦飪也。一牢在西，餘腥在東也。牽生牢也。陳于門西，如積也。米橫陳于中庭，十為列，每筥半斛。公

侯伯二行，醯醢夾碑，從陳亦十為列。醢在碑東，四行。

在碑西，皆陳於門內者。於公門內之陳也。言車者，衍字耳。車米載米之車也。聘禮曰：十斗曰斛，十六

斗曰籩，十籩曰秉。每車秉有五籩，則二十四斛也。禾稔實并刈者，也。聘禮曰：四秉曰筥，十筥曰稔，十

秉曰筥，字同。數異，禾秬則三十稔也。稔猶束也。米禾之

謂芻薪也。皆陳橫陳門外者也。米在門東，禾在門

羣處之禽，謂雉雁之屬。於禮以雙為數，殷中也。中又致膳，示念賓也。若勿酌，謂君有故不親饗，食燕

也。不饗則以酬幣致之，不食則以循幣致之。凡介

書禮皆有殮。饗餼尊其君以及臣也。以其爵等為之。牢禮之陳數，爵卿也。則殮二牢，饗餼五牢。大夫為之。

此則殮大牢。饗饋三牢。士也。則殮少牢。饗饋大牢也。此降小禮。豐大禮也。以命數則參差難等。略於臣。

用爵而已。夫人致禮。助君養賓也。簋豆陳於戶東。壺陳於東序。凡夫人之禮。皆使下大夫致之。於子

男云。膳視致饗言。夫人致膳於小國君。見於致饗之禮。則是不復饗也。饗有壺酒。皆見者。見於饗也。

既見之。又膳之。亦所以助君養賓也。聘禮。卿大夫勞賓。饋賓之類。與於子男云。親見卿

皆膳特牛。見讀如卿。皆見之。見言。卿於小國之君。有不故造館。見者。故造館。見者。乃致膳。鄭司農說。

牽云。牲可牽行者也。故春刑牲。三十牲。音星。下牲。為秣。秣麻荅之。秣也。○銅音刑。牲。三十牲。音星。下牲。

十有八。受牲禮。同筮。姜呂。反。壘烏。弄。反。藪素。口。反。劉色。縷。反。秣。丁。故。反。或宅。加。反。乘繩。證。反。鉶。而。任。

反夾。古洽。反。衰。初危。反。差。初佳。反。陪。鼎。音。裴。行。戶。剛。反。稟。古。老。反。總。本。又。作。纓。栝。音。呂。稱。才。計。反。參。

初林。反。復。扶。又。反。勞。老。報。反。造。七。報。反。秣。徐。音。姊。報。

凡諸侯之卿大夫士為國客。則如其介之禮以待之。

言其特來聘問待之禮如其為介時也。然則聘禮所以禮賓是亦禮介。

凡禮賓客。國新殺禮。凶荒殺禮。札喪殺禮。禍裁殺禮。

在野在外殺禮。

皆為國省用愛費也。國新。新建國也。凶荒。無年也。禍裁。新有兵寇水火也。○為于偽反。費。芳味反。

凡賓客死。致禮以喪用。

死則主人為之具而殯矣。喪用者。饋奠之物。

賓客有喪。惟芻稍之受。

不受饗食。饗食加也。喪謂父母死也。客則又有君焉。芻。給牛馬稍。人稟也。其正禮殮。饗餼。主人致之。

則受○稍所教反。

遭主國之喪。不受饗食。受牲禮。

牲亦當為腥。聲之誤也。有喪不忍煎烹。正禮殮。饗饋常熟者。腥致之也。

掌訝掌邦國之等籍以待賓客。

等九儀之差數。

若將有國賓客至。則戒官脩委積。與士逆賓于疆。為

前驅而入。

官謂牛人羊人舍人委人之屬。士訝士也。既戒乃出迎賓。

及宿則令聚橐。

令令野廬氏。廬力於反。

及委則致積。

以王命致于賓。

至于國賓入館。次于舍門外。待事于客。

次如今官府門外更衣處待事于客。通其所求索。○索色白反。

及將幣為前驅。

道之以如朝。○道音導。

至于朝。詔其位入復。及退亦如之。

鄭司農云。詔其位。告客以其位次也。入復。客入則掌訝出復其故位也。客退復入迎。為之前驅。至于

館也。玄謂入復者。入告王以客至也。退亦如之。如其為前驅。

凡賓客之治令訝治之。

賓客之治。謂欲正其貢賦。理國事也。以告訝。訝為如朝而理之。○為于僞反。

凡從者出則使人道之。

從者凡介以下也。人其屬胥徒也。使道賓客之從者營護之。○從才用反。

及歸送亦如之。

如之者送至于竟。如其前驅。聚攬待事之屬。○竟音境。

凡賓客諸侯有卿訝。卿有大夫訝。大夫有士訝。士皆

有訝。

此謂朝覲聘問之日。王所使迎賓客于館之訝。

凡訝者。賓客至而往。詔相其事。而掌其治令。

○相息亮反。

掌文掌以節與幣巡邦國之諸侯。及其萬民之所聚

者。道王之德意志慮。使咸知王之好惡。辟行之。

節以爲行信幣以見諸侯也威皆也辟讀如辟忌

之辟使皆知王之所好者而行之知王所惡者辟
而不爲○好呼報反
惡鳥路反辟音避

使和諸侯之好

日有欲相與修好者則爲和合之

達萬民之說

說所喜也達者達之于王若其國君

掌邦國之通事而結其交好

通事謂朝覲聘問也

以諭九稅之利九禮之親九牧之維九禁之難九戎之威

諭告曉也。九稅所稅民九職也。九禮九儀之禮九
牧九州之牧。九禁九灋之禁。九戎九伐之戎。○難

乃且反

掌察

闕

掌貨賄

闕

朝大夫 掌都家之國治。

贊

都家王子第公卿及大夫之采地也。主其國治者平理其來文書於朝者。

日朝以聽國事故以告其君長。

國事故天子之事當施於都家者也。告其君長使
知而行之也。君謂其國君長其卿大夫也。○長丁

反丈

國有政令則令其朝大夫。

使以告其
都家之吏

凡都家之治於國者必因其朝大夫然後聽之唯大
事弗因。

謂以小事文書來者朝大夫先平理之乃
以告有司也大事者非朝大夫所能平理

凡都家之治有不及者則誅其朝大夫。

不及謂有稽殿
之○殿都練反

在軍旅則誅其有司。

有司都司
馬家司馬

都則 闕

都士 闕

周

禮 卷三十八

司寇刑官之職

五 中華書局聚

家士

闕

周禮卷三十八齊同

爾秋也... 國治

凡禮案文... 其隙大夫

日... 其隙大夫

事... 其隙大夫

凡... 其隙大夫

其隙大夫